

Headline	Nilai eksport produk kayu Sarawak menurun tahun ini		
MediaTitle	Utusan Sarawak		
Date	25 May 2023	Color	Black/white
Section	EKONOMI	Circulation	37,981
Page No	31	Readership	113,943
Language	Malay	ArticleSize	492 cm ²
Journalist	NUR AIN OTSMAN	AdValue	RM 2,928
Frequency	Daily (EM)	PR Value	RM 8,784



Nilai eksport produk kayu Sarawak menurun tahun ini

NUR AIN OTSMAN

KUCHING: Nilai eksport produk per kayu Sarawak menunjukkan penurunan sebanyak 28 peratus kepada RM752 juta bagi tempoh suku pertama tahun ini berbanding RM1.04 bilion pada tempoh sama tahun lalu.

Timbalan Premier Sarawak, Datuk Amar Awang Tengah Ali Hasan berkata, penurunan jumlah eksport ini adalah kesan daripada pengurangan import produk utama seperti papan lapis, balak dan papan gentian oleh negara Jepun dan India.

"Dalam tempoh tersebut, Jepun masih merupakan pengimport utama bagi produk per kayu yang menyumbang sebanyak RM377 juta atau 50 peratus daripada keseluruhan nilai eksport Sarawak."

"Pasaran utama lain adalah India sebanyak RM99 juta, negara-negara Asia Barat (RM80 juta), Taiwan (RM41 juta) dan China (RM37 juta)," katanya ketika mengulung perbincangan bagi kementerannya di sidang Dewan Undangan Negeri (DUN), semalam.

Awang Tengah berkata, prestasi industri per kayu

Sarawak bagi tahun lalu menunjukkan peningkatan nilai eksport sebanyak dua peratus kepada RM3.95 bilion berbanding RM3.88 bilion pada 2021.

"Pada masa ini, eksport produk per kayu masih lagi tertumpu kepada eksport produk utama.

"Justeru, industri per kayu disyorkan mentransformasikan aktiviti dan operasi mereka dengan mengeluarkan lebih banyak produk per kayu nilai tambah tinggi, menggunakan lebih banyak bahan mentah dari ladang hutan dan buluh secara optimum," katanya.

Awang Tengah juga Menteri Sumber Asli dan Pembangunan Bandar Kedua berkata, pengeluaran dan pengeksport barangan kayu tempatan juga mestilah berdaya saing di pasaran tempatan dan global dengan mengadaptasi teknologi Industri Revolusi 4.0 (IR4.0) yang menekankan teknologi automasi dan digital.

"Oleh yang demikian, pihak industri perlu berubah dan komited untuk melaksanakan 'retooling' dalam operasi mereka sesuai dengan bekalan bahan mentah yang diperolehi dari ladang hutan," katanya.

Dalam Strategi Pembangunan



NILAI eksport produk per kayu Sarawak menunjukkan penurunan sebanyak 28 peratus kepada RM752 juta bagi tempoh suku pertama tahun ini.

Pasca Covid-19 2030 (PCDS 2030), kerajaan telah mengenalpasti beberapa industri dan produk baharu yang berpotensi untuk dimajukan dengan mampan seperti industri biojisim, perabot, industri berasaskan buluh dan kayu kejuruteraan.

Penganjuran Persidangan Antarabangsa Kayu Kejuruteraan pada 16 hingga 17 Mei lalu oleh Perbadanan Kemajuan Perusahaan Kayu Sarawak (PUSAKA) telah berjaya membuka minda pemain industri per kayu serta pemegang taruh yang berkaitan tentang potensi industri dan produk ini di pasaran

tempatan dan global.

"Pembangunan industri ini dijangka akan menjadi 'game changer' untuk mencapai produk nilai tambah tinggi serta mengoptimum penggunaan sumber bahan mentah dari ladang hutan," katanya.

Awang Tengah berkata, PUSAKA juga mengadakan kerjasama dengan rakan strategik seperti Jabatan Hutan Sarawak, Universiti Teknologi MARA (UiTM), Institut Penyelidikan Perhutanan Malaysia (FRIM), Universiti Putra Malaysia (UPM), Universiti Malaysia Sarawak (UNIMAS) dan sebagainya

untuk melaksanakan pelbagai penyelidikan dan pembangunan (R&D) bagi meningkatkan keupayaan pengeluaran produk nilai tambah industri per kayu.

Usaha-usaha ini katanya, adalah komitmen berterusan kerajaan untuk memacu kelestarian industri per kayu agar sentiasa relevan dan berdaya saing.

"Namun, pihak industri juga haruslah komited untuk anjakan paradigma bagi menyokong dan merealisasikan aspirasi kerajaan Sarawak untuk mencapai kemakmuran ekonomi, keterangkuman sosial dan kelestarian alam sekitar," katanya.